

Өвс хадджах бригадст таслвр угагъар дөнъгән өгх кергтә

Целинн района, «Родина» колхоз Хар газрт өвс хадджана Энд өвс хадлгъна хойр бригад кӧдлджәнә. Нег бригаднь — колхозин, хойрдгч — Полевой МЖС-с. Ода эн хойр бригад 4 минъгън гектар газрин агъуд өвс хадчкән бәәнә.

Өвс хадлгъна бригадт кӧдлджәх трактористнр Б. Барков, А. Ефремов, Н. Курдюков, Е. Қалашников болн нань чигн механизатормуд олна малд элвгәр хот белддж авхин төлә шунлтта кевәр кӧдлджәцхәнә.

Болв, цугъар им сәәнәр кӧдлджәхмн уга. Трактормуд болн өвс хаддг машид эвдрәд зогсдж одна. Иим трактормудиг болн машидиг икәрн

тәвсн бийнь нег часин дундурт ясгдх болв чигн, бӱкл өдрин өрәлд ясгдна. Улгӱрлхд, үр Г. Алехина, өвс цуглулдг машинә рамнь хамхрдж одв. Энӱг ясхд ик дала цаг керглгдшго. Болв, эн машин өдрин тес кӧдлсн уга. Өвс хаддг машидин косогонь болн альк нег детальнь хамхрдж одхла, удл уга сольдг запчасть бәәдг болв чигн, өвс хаддж йовх агрегатс өгчәхмн уга.

Өвс хадджах бригадин машид болн трактормуд хамхрад, 200 час үлү шаху кӧдлмш келго зогсв. Тегәд цаг-

В. КОРОЛЕВ,
Целинн района „Родина“ колхозин тракторист

лань ясад, таслвр уга кӧдлсн болхла, эн цагт 400-500 гектар газрт өвс хаддж, багъ гиснь 1500 центнер өвс хурадж авч болх бәәсмн.

Тегәд Хар газрт өвс хадджах бригадт колхозин гардачнр таслвр уга дөнъгән өгч, альк нег кергтә запчасть болн машид ясх мастерской йовулх кергтә.

Дакад Хар газрт олна малд хот белдджәх механизатормудин бәәдл - джиргълинь авад хәләхлә, иим: эднә бәәх гернь йир му, гер дотрнь орндг чигн, девскр чигн уга. Хот-хоолнь бас му, бригадт

радиоприемник чигн уга. Механизатормуд дунд цәәлгъврин кӧдлмш кегдхш, хаяхая газет авч ирнә. Өвс хаддж, хурадж йовх механизатормуд дунд соцдӧрлдә төрүц кегдджәхш.

Өвс хадджах бригад Хар газрт ирәд хойр долан хонг болчкв. Болв колхозин ахлач үр Мантиков, энӱнә дарукнь үр Лопатин, эклц партийн организацин сегләтр үр Витько нег чигн ирцхәсн уга.

Эн колхозин отармуд нургълдж Хар газрт үвлзнә. Тегәд энд элвгәр малд хот белддж авхин кергт, өвс хаддж йовх механизатормудт таслвр уга дөнъ-тусан эрки биш күргх кергтә.